

ნეპროქედრი

ეროვნული
ბიბლიოთეკა



№ 10 (1332) მაისი 1970

საქსუ

გამოცემის 47-ე წელი ფასი 20 კპ.

— რას ერიდოთ ამ ქრონოს?
— რაიონული ცენტრიდან ირმებზე სანადიროდ მოდიან.
ირმები გაგვითავდა და, იქნებ, ქროსა შევაპაროთ როგორმე!

თქვენ ღმერთმა გაშორით და, პირადად მე, იოტისოდენა სურვილიც არ გამაჩნია გარდაცვალებისა. არა მარტო იმისათვის, რომ სიკვდილი, საერთოდ, არასასიამოვნო მოვლენაა, რომელიც ამ ქვეყნიდან წარგვავლენს ხოლმე, არამედ იმიტომაც, რომ, როგორც ქვემოთ დავრწმუნდებით, მიცვალებულის დაკრძალვა-გაპატონება მრავალ უპატიოსნო ღონისძიებასთანაა დაკავშირებული. სიკვდილისადმი ჩემი შეურიგებლობის მთავარი მიზეზი მაინც ის გახლავთ, რომ დაკრძალვაზე გაწეული ხარჯები, რომლის ფასი ზოგიერთ მიცვალებულს სიცოცხლეში არა გაუკეთებია რა, არამც თუ არაფერს მატებს განსვენებულს, მისი სახელის შებღავის პირობებს ქმნის. აქედან გამომავლად დასკვნა: არავითარ შემთხვევაში არ იარსებებდა ქელები. ის რომ მიცვალებულის პატივსაცემად ყოფილიყო გამიზნული. ისმის კითხვა: რა არის საჭირო ქელების მოსპობისათვის? მხოლოდ და მხოლოდ სიკვდილიანობის მოსპობა! აი, დევიზი, რომლის განხორციელებაში მე ჩემი წვლილი შემაქვს და არ ვკვდები. ამასვე გისურვებთ თქვენც.

ახლა მივყვით საქმეს.

იმის ნათელსაყოფად, რომ სიკვდილი, საყვარელი ადამიანის დაკარგვასთან ერთად, უზომო ღრთისა და ფულის დაკარგვასთანაცაა დაკავშირებული, სიკვდილიანობის პრაქტიკიდან მოვიყვან ერთ ცოცხალ ფაქტს:

ოჩამჩირის რაიონში არის სოფელი გუფი. გუფში არსებობს კოლმეურნეობა „აფსნი“. „აფსნიში“ 470 კოლმეურნის ოჯახი ცხოვრობს. (ღმერთმა დიდხანს აცხოვროს და აცოცხლოს ისინი!) ჰოდა, ამ სოფელში სტატისტიკური მონაცემებით გასულ, 1969 წელს, სიკვდილის 16 შემთხვევას ჰქონდა ადგილი.

ქელებმა თქვა: სახელი ჩემია და სახრავი ღვინისააო. აქაც თე-

ქელები

ქვსმეტივე შემთხვევაზე თქვსმეტი ქელები-ღვინი ჩატარდა. მაგრამ ქელებისა და მიცვალებულის ჩატარებამდე, მოგეხსენებათ, რამდენი თავსატეხი ღონისძიებაა ჩასატარებელი.

დავიწყით თავიდან:

მოკვდა კაცი. (ღმერთმა გაანათლოს!) იწყება ცრემლის ღვრა...

— ცრემლის ღვრას მერეც მოესრულებით, — დაუტანებენ ერთმანეთს ჭირისუფლები, — ჯერ ოფლის ღვრაა საჭირო!

და იწყება სეფის მოტანა და მოწყობა; პურის, ღვინის, სხვა სასურსათო პროდუქტების მოზიდვა და სადილების მომზადება ექვსი დღის მანძილზე მომდინარე სტუმრებისა და მოსამსახურე პერსონალის გამოსაკვებად; შემდეგ საქელებო მაგიდების, სკამების გაწყობა, ქვების, ჯამ-ჭურჭლის, ბოთლების მომარაგება... ამ სამუშაოებს კი ხალხი ესაჭიროება. ქვემოთ მომყავს ციფრები, რომელიც თქვსმეტი მიცვალებულის დაკრძალვას დასჭირდა სოფელ გუფში:

1. ექვსი დღის განმავლობაში ყოველდღიურად გამოყოფილი იქნა 15 კაცი, როგორც მოსამსახურე პერსონალი. კოლმეურნეობიდან მოწყვეტილმა თხუთმეტმა კაცმა 90 კაცდღე შეადგინა.

2. დაკრძალვის დღეს 60 კაცი გამოიყო. ეს კი 150 კაცდღეს უდრის.

3. გაუთვალისწინებელი საქმეების მოსაგვარებლად, ჩვეულებისამებრ, დამატებით გამოყო-

ფილ იქნა 50 კაცი... და საერთო ანგარიშში ერთი მიცვალებულის დაკრძალვაზე კოლმეურნეობამ 200 კაცდღე დაკარგა.

4. ამას დავუმატოთ 3000 მანეთი, რომელიც თვით გარდაცვლილის ოჯახმა გაიღო.

5. ამრიგად, ოჩამჩირის რაიონის სოფელ გუფის კოლმეურნეობა „აფსნი“ 1969 წელს გარდაცვლილ 16 ადამიანის დაკრძალვაზე დაჰკარგა 3.200 კაცი-დღე. ხოლო გარდაცვლილთა ოჯახებმა 48.000 მანეთი დახარჯეს.

— ალალი იყოს მიცვალებულებზე ეს ხარჯი! — იტყვით თქვენ. ამასვე ვიტყვით მეც, ამ თანხიდან თუნდაც ერთი კაპიკი რომ მაინც მოხმარებოდა საბრალო მიცვალებულთ.

მერე და, რამდენი კეთილშობილური სამსახურის გაწევა შეეძლო ამ ფულს იმ ყოფილი ავადმყოფებისათვის, რომლებიც ამჟამად მიწაში წვანან!

ხარჯი ხარჯია, მაგრამ ახლა განსვენებულთა სახელის გამასხარავებას აღარ იკითხავთ?

ერთ ქელესში თამადას მიცვალებულის სახელი დაავიწყდა და სიკვდილსაც დაავიწყებიაო, — გამოასწორა შეცდომა.

მეორე ქელესში, დასაფლავებამდე, მიცვალებულს ცოცხალივით ეძინა და ქელების თამადას — მკვდარივით.

მესამეჯან ისეთი სიცილ-ხარხარი, მანჭვა-გრეხა გაიმართა, რომ მკვდარი რომ არ ყოფილიყო, მიცვალებულიც მოკვდებოდა სიცილით.

ერთი სიტყვით, ქელები მიცვალებულს ვერ აცოცხლებს, თორემ ჭირისუფლებში მუდამ დიდი გამოცოცხლება შეაქვს...

ასეთ ვითარებაში, დამერწმუნებით, სულ რომ არ მოვკვდეთ, ისა სჯობს.

ღმერთმა დიდხანს გაცოცხოთ, თქვენი ჭირიმი!


გაიოზ ზაპარაშვილი

ნახ. გ. ზირცხალაშვილი



— რას ეძებთ, შვილებო?
— რძინას, ბაბუ!
— რძინას თუ ეძებთ, ცოტა ქვევით ჩაღით, სამი კომპანიის ჩაბარებული!


ნახ. მ. აბაშიძისა



— კი ვუთხარი, თვითმფრინავის მოტორს ნუ დაუყენებ-მეთქი!



V საშუალება




VII საშუალება



VIII საშუალება



XIV საშუალება



XVI საშუალება



XX საშუალება

დაპალკობანა თუ დანაშაული?

არსებობენ საინტერესო პროფესიის აღმამიანები. ისინი განსაკუთრებული ნიჭით არიან დაჯილდოებულნი. ჩვენი წერილის გამომცემი სწორედ ასეთი პროფესიისა გახლავთ.

ავიღოთ თუნდაც ნასლედ სირაკანის ძე ქოსიანი. წინასწარ მინდა აღვნიშნო, რომ ქოსიანის პროფესიის მქონე კაცს უნდა ჰქონდეს ქალთა გულების დატყვევების ჯადოსნური ძალა, მან ხომ ხუთი ლამაზმანი მოხიბლა, მათ შორის პირველი სამი ქალი გაცნობის დღესვე დაატყვევა და თავისი ფეხით წაიყვანა ჯვრის დასაწერად მაღალგუმბათიან ეკლესიაში.

პირველად მან სიყვარულის ბაღში გორის რაიონის სოფ. კარაღეთში მცხოვრები ვენერა იოსების ასული ნინიკაშვილი გააბა. ქორწილის „ნამცეცობა“ ჯერ არ გამოლეულიყო, რომ ნასლედ ღონ-უთანმა შეორედ დაიდგა ნეფის გვირგვინი და „კინტაურის“ ცეკვით გარს უვლიდა დედოფალ მარიამ გრიგოლის ასულ ხაჩატურიანს. გავიდა დრო. ვენერა ოჯახის მემკვიდრესა და მივლინებაში წასულ ნასლედს ელოდა. ნასლედს პირველი „ნასლედნიკი“ შეეძინა, მაგრამ თვითონ ნასლედი გაუჩინარდა.

ქოსიანმა მეორე ქორწინებაზეც გული აიკრუა და მცირე ხნის შემდეგ მას ორი ცოლი და შვილი ეძებდა. დიდი ხნის შემდეგ ქოსიანს კაპიტანმა სულიკო გორგაშელმა მიაგნო წალკის მილიციის რაიგანყოფილებაში. მილიციის მუშაკმა იქვე გაიცნო დაკავებულის მეუღლე ასტლიკ სეფრაკის ასული კალტახიანი, რომელსაც საყვარელ ქმართან „პერედაჩი“ მოეტანა. ნასლედა, ერთი წლის პატიმრობის შემდეგ, კვლავ წალკაშია, ამჯერად — ფურხნის გამგედ. მის ძებნაზე ტომები იქმნება. ცრემლებს ღვრიან ცოლები, უმწეო ბავშვები ალიმენტებს თხოულობენ.

ნასლედ სირაკანოვიჩი კი გეგმებს აწყობს ახალი ქორწინებისათვის. მისი ფიქრები ვინმე მარნეულელ მანდილოსანს დასტრიალებს თავს.

კვლავ მისი ძებნა... ქაღალდების კორიანტელი, გაცხადებები, საბუთები, სხვადასხვა ეროვნების ცოლებისა და მათი შვილების დაუსრულებელი ცრემლების ღვრა, მილიციაში ყოველდღიური სიარული, ქეზილის ფოტოსურათების გამრავლება...

ნასლედ ქოსიანს ახლა საპატიმროში ვნახულობთ, სადაც იგი მოუთავსებიათ თბილისელ ბერძენ ქალთან ალიმენტის გადაუხდელობის გამო.

ნასლედ ქოსიანი 35 წლისაა, აქვს საშუალო განათლება, დაბალი სინდისის ღონე და უმაღლესი გაქნილობა. იგი სამჯერ ალიმენტის გადაუხდელობაზე პატიმრობაში ნამყოფი, ხოლო მეოთხედ და მეხუთედ სახელმწიფო ქონების მტაცებლობისა და ხულიგნობისათვის გაასამართლეს. ყველაფერი დროულად მოასწრო. აი, მეხუთედ გათავისუფლდა პატიმრობიდან. უკანასკნელად გაიბრძოლა თავისი პირველი ცოლ-შვილის დასარბევად: რას დამდეგთ, ცოლის შერთვის საშუალებას რატომ მისპობთო. მართლაც ძნელია მართხელა კაცის ცხოვრება!

ქალთა გულების მომნადირებელთა პროფესიის კიდევ ერთი თვალსაჩინო წარმომადგენელია გორში მცხოვრები ახმედ აბაზ ოღლი. მან, 30 წლის ასაკში, მხოლოდ 4 ცოლის გამოკლა მოასწრო. ყველასთან თითო შვილი შეეძინა და ყველა ალიმენტის გადახდას ედავება. ახმედი არ უარყოფს, რომ მას ჰყავდა სამი ცოლი და ვალდებულია, სამ შვილს ალიმენტი გადაუხადოს, თუმცა ამაზეც ხშირად უნდა შესხენება მილიციის მუშაკებისაგან, მაგრამ მეოთხე ცოლთან, კერძოდ ნაზიბოლთა გული-

ვასთან ცხოვრებას და მისგან შვილის შეძენას არ აღიარებდა, მაგრამ, როცა მეოთხე ცოლმა მისთვის პირველი ქმარი სახალხოდ გააშავა და დაუმტკიცა, რომ 8 თვეს ერთ ჭერქვეშ ცხოვრობდნენ, ახმედმა ხელი ჩაიჭნია და განაცხადა: „კარგი, სადაც სამი ცოლი, იქ მეოთხეც მე დამაწერეთო“ და რაინდული სიამაყით ქამარი შემოიხსნა მისთვის ღირსეულ ადგილზე მოსასვენებლად.

ალიმენტის გადაუხდელობისათვის გაასამართლეს გორის რაიონის სოფ. ზერტში მცხოვრები არსენ გრიგოლის ძე ტიელიძე, დაბადებული 1938 წელს და მეჯვრისხევი მცხოვრები ომარ რომანის ძე ხომასტურიძე, დაბადებული 1936 წელს. თუმცა ორივე ხანგრძლივი დროის განმავლობაში თამაშობდა საკუთარ შვილებთან დამალობანას, მაგრამ მილიციის მუშაკებმა „ქვესკნელში ჩაყლაპულნი“ შვილებს რამდენჯერმე მიჰგვარეს. რადგან მათ ტკბილი ცხოვრება არ ისურვეს და ბავშვის სარჩენის გადახდაზე უარი თქვეს, მილიციის მუშაკებმა, რომელთაც „სიბრალოლის გრძნობა არ გააჩნიათ“, ამ „მგრძნობიარე ხალხს“ ბნელი ადგილები გამოუნახეს.

ალარაფერს ვამბობთ გორის რაიონის სოფლებში — ახალდაბასა და თედოწმინდაში მცხოვრებ ტარიელ ბესარიონის ძე ჯარხოზაშვილისა და აბაზ გუსაფ-ოღლის შესახებ, რომლებიც ვალდებულნი არიან, ალიმენტები გადაუხადონ: პირველმა — ცილა გიორგის ასულ განჯელაშვილს, ხოლო მეორემ — მანია აბრამის ასულ ნაროზაშვილს.

მაგრამ, ვაი, რომ ზოგჯერ ვალდებულების შესრულებას ძალდატანება სჭირდება!

აგამზადებულ რეცეპტში.
სუფრა ეზოში გაშალეთ,
იზაბელების თალართან,
თან დავეტევიო, თან კიდევ
ახლოს ვიქნებით მარანთან.
სხვა რა მოეწერო? რა მასხოვს
სამზადის-მისლავ-მოსლავში,
ერთი სული მაქვს, მამილო,
როდისა მნახავ ჩოხაში!

A child's drawing on a piece of paper. It features a large tree on the left with a thick trunk and a canopy of small circles. To the right is a simple sun with a face and rays. A path or road leads from the bottom center towards the sun. There are small, dark, irregular shapes scattered along the path and around the base of the tree, possibly representing rocks or grass. The drawing is done in black ink with some blue and red coloring.

பா. ஜ. லக்ஷ்மி



- წამოდი უხეზურთხე!
- ვერ წამოვალ, 7 საათზე გიორგი სადოქტოროს იცავს.
- წამოდი, კაცო, 7 საათამდე აკადემიკოსი გახდება!

ამხანაგო „ნიანგის“ მკითხველებო! კოლმეურნეობის თავმჯდომარის მაგიდაზე ავადმყოფობის ცნობის ძლიერი დარტყმით თაღლითა სიმულიანტის ძე ვაჭარაძემ მშვენიერად მოიგერია ხუთოციანი თოხი და სიმინდის ფართობიდან მთელი სისწრაფით გაიჭრა რაიონის ცენტრისაკენ. აჲ, კომბინატორთა ძირითად შემადგენელთაში, შესანიშნავად აითვისა სისტემა — „ორი დღის, მაგრამ ოთხსაჯადევი ებე“.

მოატყუა ერთი, მოატყუა
ორი, მოატყუა სამი, მოატყუა
ბევრი, რითაც მალე მოიხვეჭა



მომხმარებელთა ჯიბეების ყვე-
ლაზე აგრესიული და შედეგი-
ანი თავდამსხმელის სახელი.

მოედნის კარგი ხედვის წყა-
ლობით, რაიონის შუაგულში,
შეარჩია სამოსახლო ადგილი.
რომლის ნახევრადამცველ-
ადგილად მოუგო საპაერო
ბრძოლა ადმინისტრაციული
შენობის მეორე სართულზე და,
„დნოკასანიეს“ წესით, უსწ-
რაფესად აიშენა ორსართუ-
ლიანი სახლი. მერე გვერდით-
საზიდად უფროს ვაჟიშვილს
ნელა მიუგორა ავტომანქანა
„ვოლკა“.

ამჟამად, ცოლის სასტვენის
ხმაზე, ცდილობს თამაშგარე

მდგომარეობიდან უფრო გაზა-
რდოს ანგარიში. დირექტორის
კაბინეტის მოსაცდელში დამა-
ჯერებელი მოძრაობით გაარ-
ვია კონკურენტების ყურ კედ-
ლი: ახლა მას ვერავინ უშლის
ხელს, მის წინ მხოლოდ დი-
რექტორია. აჰა, უბის ჯიბი-
დან ფილიგრანულად ამოიღო
ასიგრობების დასტა და, დახ-
ლოებით ერთი მეტრიდან,
ზუსტად ჩაუთვალა სეიფთან
ხელსაყრელ მდგომარეობაში
მყოფ დირექტორს. ამ უკანას-
კნელში, წლების განმავლობაში
გამომუშავებული ოსტატობით
მოათავსა თანხა პირდაღებუ-
ლი სეიფის მარცხენა მაღალ
კუთხეში.

შემდეგ ხელის გულზე ცა-
ციას დარტყმა... საპასუხო
დარტყმა... და თაღლითა ვა-
ჭარაძე საწყობის კარებს გა-
დაფხვია.

ამჯერად, რაიონის ქვეყნულ ფში, სუთი კუმბეტრი ფულის დაგროვებით თაღლითამ გაინაღდა საბურთალოს მასივში სამოთახიანი ბინის მიღების საგზური, მაგრამ...

P.S. ეს-ეს არის, საინტერესო ცნობა-მივიღეთ კოლმურნეობის — „მხოლოდოფლითა შენითა“ — გამგეობის სსდომიდან, რომელმაც გაასაჩივრა თაღლითის საეჭვო თამაშები და დაუნიშნა დამატებითი შესვედრა საგამოძიებლო ორგანოებთან.

ამ პასუხსაგები მატჩის ობიექტურად მსაჯობისა და თაღლითას დამარცხების შემთხვევაში, ყველაფერს გადაწყვეტს თერთმეტმეტრიანი საჯარიმო დარტყმა. ვნახოთ, რას მოგვიტანს დარჩენილი დრო!

მდიდარი და ჰუმანური
ერთ კაცს მდიდარი ძუნწის სა-
ხელი ჰქონდა გავარდნილი. ქუ-
რდები ოცნებობდნენ იმ კაცის გაძა-
რცვაზე.

ერთ ბნელ ღამეს სამნი შეიპარ-
ნენ მდიდარი კაცის ბინაში, მწო-
ლიარეს ზელ-ფეხი შეუტრეს და
რომ არ ეყვირა, პირში სხსნა-
ცი ჩასჩარეს. კაცს ზემო-ქვემო
ყბაზე პრთეთუები ჰქონდა, არც
ერთი საყუთარი კბილი არ გაჩნდა.
პრთეთუები ყელში გაეხიზა და
ბოლოში ქოღეც.

მოკალი: მოუარეთ კბილებს,
ნუ იქნებით პროთეზის იმედით!
ფხიჯალი რევიზორი

ამო მშენებლობაზე რევიზორი
მოვიდა. სამუშაოთა მწარმოებელ-
მა მუშეების სია აჩვენა. რევიზორმა
დააქვეა არტეხი ხარკამის ძე ქე-
მოვლის პიროვნებამ. იგი წამით
დაიძაბა და ფენომენალურ მესხი-
ერაკში ზუსტად აღადგინა ერთი
წლის წინათ წაკითხული ტექს-
ტი:

იამა და ამ, ამისა და ამის, ამნა-
ირი და ამნაირი ბაზის, ესა და ეს
თანამშრომლები იუწყებიან
არტემ ხარლამაშის ძე ქემო-
ლიძის

გარდაცვალებას“.
ასე აღმოაჩინა ფხიზელმა რე-
ვიზორმა მკვდარი სული მშენებე-
ლთა სიაში.

მორალი: იკითხეთ სამგლოვია-
რო განცხადებები გაზეთის მეოთხე
გვერდზე!

დაკარგული ზაზუკი
უგზო-უკვლიდ დიკარგა სი-
ცოცხლო საეც, მჩქეფარე ენერ-
გიის, დიდი იმედების აღმძვრელი
კაბუჯი. საქმეს ხელი მოჰყვანა
ფრიად და ფრიად გამოცდილმა
გამომძიებელმა. მან ძიება დაიწყო
იმ პალატის ჯიბეების გასინჯვით,
რომელიც ჭაბუკს ამხანაგთან დარ-
ჩენოდა წინადადის ორგენის შემ-
დეგა. ძიებას გზები მისცა ტროლი-
ბუსის ბილეთმა რომელიც პალ-
ტის მარცხენა ვარეთა ჯიბეში აღ-
მოჩნდა. დადგინდა, რომ ჭაბუკი იმ
ლამეს იმყოფებოდა № 4 მარშრუ-
ტის ტროლეიბუსის ბოლო გაჩერე-
ბასთან, მრავალსართულიანი სახ-
ლის ერთობიან ბინაში...

მორალი: საქალაქო ტრანსპორ-
ტით მგზავრობისას შეძენილ ბი-
ლეთს ნუ აჩუქებთ კონდუქტორს,
ჩაიდეთ იგი პალტოს გარეთა მარ-
ცხენა ჯიბეში!

მოტაცება
ერთ პირმშვენიერ ქაბუქს უგონოლ შეყვარდა ერთი ტანქენარი ქალიშვილი. ქალის მშობლები ვაჭრობით უარზე იდგნენ. იქამდეც მივიდნენ, რომ ქალი სახლში ჩაეკეტეს. ვაჭმა უყიდურეს საშუალებას მიძიარა: ნაშუადღევს, მალულად გამოაპარა ქალი მამისეული სახლიდან და ლატარიის ოქდათკაპიკიანი ბილეთით იმხანად მოცემული „ზაპოროჟეცით“ ქალაქარზე გაიტაცა.


მორალი: იყავით მოზილიზებულნი, შეიძინეთ ღატარიის მომგებიანი ბილეთები!

მამის გული
მეტი კაცს ოთხთახიანი ბინა და ორი ვაჭი ჰყავდა. როცა ვაჭები წამოიზარდნენ, დაცოშვილდნენ და ვერ შეეწყვნენ ერთურთს. ორი თახი ერთმა ვაჭმა მიიტაცა, ორიც — მეორემ. მამის გულმა ვერცერთი ვაჭი ვერ დათმო და მთლად უბნითიო ყოფნა არჩია.

მორალი: ნუ იქნებით ყურწა-
დებულნი და არხეინნი, იქონიეთ
ხუთოთახიანი ბინა.

და პოპი

ლევან ჩანტლაძე



საქართველო

ვახსენებთ აფხაზეთს თუ არა, იმ წამსვე თვალწინ წარმოგვიდგება ჩაის ბუჩქები- ვით ხასხასა ზღვა, ზღვასავით ვრცელი აქო- ჩრილი ჩაის ბუჩქები, განკენარი პალმები, მოასფალტებული გზები, მცხუნვარე მზე და მის ქვეშ გასართულებ მოგრიალე დედამოი- ლა ადამიანები. მაგრამ არის არანაკლებ მშვენიერი მეორე აფხაზეთი, სადაც არ არის ზღვა და პლაჟი, სადაც მთანი მაღალნი დგა- ნან და ელიან: კარგ გზას, ექიმსა და ექთანს, ხიდს, გელეფონსა და რადიოს. აი, ასეთი სოფელია ნაალი, რომელიც კოლმეურნეობის კანგორიდან რვა კილომეტრითაა დაშორებუ- ლი. აბა, ამ მანძილზე ვინ იგყვის, შორიკო, მაგრამ ისეთი გზაა სოფელსა და კანგორას შორის, რომ ერთიორად დიდი მოჩანს.

ნაალელებს სამედიცინო პუნქტიც აქვთ, მაგრამ... მედიცინის მუშაკი არა ჰყავთ, და დგას პუნქტი, როგორც წითელი ჯვრის სიმ- ბოლური ძეგლი.

ოთხმოცდაათი ბავშვი დადის ნაალიდან გულრიფშის რაიონის სოფ. განახლების სა- მუშაო სკოლაში, მაგრამ, ვაი, ასეთ სი- არულს! ვიდრე კოდორი პაგარა კალაპოგში,

ბავშვები აიკაპიწებენ შარვლის გოგებს და გადიან მდინარეში, მაგრამ როდესაც კო- დორი მოდიდდება, გაღმით სკოლა რჩება და გამოდმით — მოსწავლეები. ასე, კოდორის ნება-სურვილზეა დამოკიდებული ბავშვების სწავლა-განათლება. ისე კი კოლმეურნეობას ვერ ვუსაყვედურებთ, მან ჯერ კიდევ 1968 წელს ცხრა ათასი მანეთი გამოჰყო ხიდის მშენებლობაზე, მაგრამ ცამ ჩაყალბა თუ მი- წამ მშენებლები, ვერ გაიგეს და ხიდი ისევ ჩაგხრილია სკოლასა და ბავშვებს შორის.

წავიდა ის დრო, როდესაც გელეფონი და რადიო ფუფუნებად ითვლებოდა და, თუნ- დაც ფუფუნება იყოს, ნაალის ბრიგადის იმდე- ნი ფული და მუშახელიც კი ჰყავს, რადიო რომ ალაპარაკოს, ააწკრილოს გელეფონი, მაგრამ, სამწუხაროდ, ამ საქმის თავისმომ- მელი არ ჩანს.

სამაგიეროდ, ბუნებამ მომჭირნეობის გარე- შე დააბანდა თავისი სიმდიდრე ნაალში და ერთ მშვენიერ დღეს გეოლოგების მიერ დარ- გმული ბურღის ადგილას თბილმა წყალმა იფეთქა.

გაუფარდა სახელი სოფელ ნაალს (ისე, როგორც ერთ დროს — ლუგელას) აქაური თბილი წყალი ყველაფერს არჩენსო და, პრი- მიტიულად მოწყობილი აბაზანები გაიგნო- სხვადასხვადაგნოზიანი ავადმყოფებით, ჯე- რჯერობით კი არავინ ასულა აქ, რომ დაად- გინოს ამ წყლის ავკარგიანობა, თუმცა მეო- რე ბრიგადის ხელმძღვანელმა ალიოშა გორ- დილავამ რამდენიმე წერილი მიწერა ჯანმ- რთელობის დაცვის ორგანოებს. ბოლოს და ბოლოს თვით ალიოშა გორდილავამ დაიწყო ცდები და ნორჩ თამბაქოს ჩითილებში მიუშ- ვა თბილი მინერალური წყალი. ცდამ წარმა- გებით ჩაიარა, თამბაქოს ჩითილებმა თავი მოიწონეს, ახლა აქ თამბაქოს არც ფერი ეკა- რგება და არც ავადმყოფობა ემართება. მაგ- რამ, ვინ იცის, უხდება კუჭის წყლულს ან სკლეროზს ეს აბაზანები? ვინ გასცემს ამ კითხვაზე პასუხს?

ასეა თუ ისე, ნაალელებს მაინც უყვართ თავიანთი სოფელი და ამიგომაც მღერიან: „რა კარგია ჩემი სოფელი...“

საქეიფოდ პერი, პერი!

გაგისცადებით ოჯახში, საქეიფოდ მივდი- ვარო, თუკი ცოლი მოძველებული შუბით დაგიდით, თუკი ნისიად გამოგანილი გელე- ვიზორის ფული შესატანია და ბავშვებისა- თვის გამოწერილი სათავგადასავლო ლიგე- რატურის ხუთი გომი გამოსატანი? თუ გაგის- ხადებით, ბარაქალა თქვენს ვაჟკაცობას! მე კი ვერაფრით გამოიხადებს ამის თქმა. გუშინ- წინ სამსახურში პრემიები დაარიგეს და გა- დავწყვიტეთ: შაბათს, ესე იგი დღეს, სას- გუმრო „ივერიის“ რესტორანში მოგვეყარა თავი. ცოლების გარეშე, რასაკვირველია. აბა, რომელი კაცური კაცი ეფყვის ცოლს, პრემია მივიღო?... ჯამაგირისგან რომ გვა- სუფთავებენ, ის არ კმარა?

დავბორილობ საშინაო განსაცმელში გა- მოწყობილი და ჭიანჭველასავით მოფუსფუ- სე ცოლს ვუთვალთვალე. საათის ისრები შეუბრალებლად მიიჩქარიან, უკვე თორმეტის ნახევარია, შეკრება კი თორმეტი საათის- თვის გვაქვს დათქმული. ნეგა, გამოვიდნენ ბიჭები თუ ჩემსავით ისევ სახლში ყურყუ- ტებენ?

ვურეკავ ვახტანგს — „კბილის ექიმთან წავიდაო“, — მეუბნებიან.

ვურეკავ სერგოსთან — „მშობელთა კრება- ზე“ აღმოჩნდა წასული.

ბიძინა „პარკეტელების“ საძებნელად გა- სულიყო „ახალი ბინა მივიღეთ, ცუდი პარ- კეტი აგია და ხელახლა უნდა დააგებინოსო“, — ამიხსნა მისმა ცოლმა ნანულიმ.

მიგოს რაღაც „გადაუღებელი საქმე“ გა- მოსჩენოდა სამსახურში.

ბრალი მე, რომ გყუილის თქმა არ მენერხე- ბა, თორემ ისინი სახეგაბრწყინებული დგა- ნან, ალბათ, „ივერიის“ წინ და ჩემს ლოდინ- ში ანეგლოგებად იცლებიან.

კიდევ რამდენიმე წუთი და მე გულახდი- ლად ვეუბნები ცოლს, რომ... მგვერსასრუტის გაუთავებელმა ბზუილმა ყური წაიღო, ორ- პირმა ქარმა ჭვალი გამიჩინა და პარკეტს სულაც არ ჭირდება ასე უსაშველოდ გაპრი- ალება — აკი დაეცა ამას წინათ სოფლიდან ჩამოსული დედაჩემი. რომ... საუზმემ მუცელი ამატკივა, ახალი გაზეთი ვილაცას დაუხვია და ბოცაში ჩასხმულ ღვინოს ბრკე მოჰკიდე- ბია, რადგან თავი მაგრად არ ჰქონდა დაცუ- ლი. რომ... ბავშვებმა მეცადინეობას უკლეს და დიასახლისს შინ ისევე კოხტად უნდა ეც- ვას, როგორც უცხოელ დიასახლისებს აცვიათ საზღვარგარეთულ კინოსურათებში.

მოკლედ, იმდენი ვქენი, ცოლმა თვითონ გამაგდო სახლიდან.

გურამ შარაშიძე



ჩემო-მითქი! არ ამოიყვანო მანდა!

ნაზნობები (მინიატურა)

ქუჩაში ორი ნაცნობი შე- ხვდა ერთმანეთს.

პირველი: სიმონ, შე ძველო, რავა ხარ? წამო, ას-ასი დავლიოთ!

მეორე: ვინაა შენი სიმონი? ბატო- ნი სიმონ ზახარაიჩი დამიძახე!

პირველი: მაპატიეთ, არ ვიცოდი, მომილოცავს!

მცირე ხნის შემდეგ ნაცნობები კვლავ შეხვდნენ ერთმანეთს.

პირველი: უღრმესი სალამი ბატონ სიმონ ზახარაიჩს, როგორ ბრძანდე- ბით, პატივცემული?!

მეორე: მოეშვი, თუ ძმა ხარ, ოვა- ციებს და წამო, ას-ასი დავლიოთ!

პირველი: აპ, უკვე?..

ზურაბ მაგულაშვილი

სამათ შაჰირი (თატრეთის ასსრ)

ქვა და ჭიანჭველა

ჩაუჭირქილა ქვამ ჭიანჭველას:

„მე გვერდს მივლიან კრძალვით და რიდით, შენ ვერვინ გამჩნევს და ყველა გთელავს, — ეს იმიტომ, რომ არა ხარ ღიდი!“

ჭიანჭველამ კი ეს უთხრა მარტო:

„ღიდი ის არის, ვინც შრომობს, იბრძვის.“

ქვას გაეცინა: „სულელო მატლო, ვერ ამაღლდები მაგ შენი სიბრძნით!“

ხავსში ეძინა ქვას — მუდამ მოცლილს, გაიღვიძა და დარღით დაბერდა:

აღმართულიყო მის გვერდით ბორცვი, ზედ ჭიანჭველა კოშკებს აგებდა.

ქვას სიბრაზისგან გული გაუსკდა,

ტანი ქარ-წვიმამ დაშალა, დაღრღნა...

მყარად მიწად იქცა, მატლი გაუჩნდა,

ბორცვი იწევდა მაღლა და მაღლა.


თარგმან ბათუ მელიამ




ნ.ა. ბ. ფიჭულაშვილი

— აქ, სადღაც ახლოს, კლავი უნდა იყოს, თმებურ ბატონო!

ზოგიერთი მშობელი, ნაცვლად იმისა, რომ ხელს უწყობდეს მასწავლებელს ჩამორჩენილი ბავშვის გამოსწორებაში, ხელს უშლის.



საქართველოს
36870
9.11
ნაბ. მ. აბაშიძისა



იარაღი
იზღიროთ

— ჩემი აზრით, არაქიტიპტურულად შესანიშნავადაა გადაწყვეტილი ფეხსაცმლის ფაბრიკის შესასვლელი.

— თქვენ ჩივით, რომ ჩემი ბავშვი სუსტი მოწყაა; ბავშვი ჩემის, ჩემი მასწავლებელია სუსტი. რომელს დაგიჩეროთ, აღარ ვიცი!

საქართველოში მნიშვნელოვანი

ლაპარაკობს მეხიკო! ლაპარაკობს მეხიკო! „ატტეკის“ სტადიონზე დღეს რისი ნემსი, ატომი რომ ატომია, ისიც ვერ ჩამოვარდება (მადლობა ღმერთს!). კაჩალინმა, როგორც ეტყობა, მექსიკელთა ძალისმიერ თამაშს ჭკუისმიერი (აფსუს, ჭკუასელო!) თამაში დაუპირისპირა. აკლიმატიზაცია მეტნაკლებად ყველამ გაიარა, მაგრამ თუ კახა (186 სმ) ჟანგბადის ნაკლებობას საჭაერო ბრძოლებში მაინც განიცდის, სამაგიეროდ გივი ნოდია (170 სმ) ჩიტივითაა.

როგორც ვრწმუნდები, ძალა აღმართს ფეხბურთში მაინცდამაინც კარგად ვერ ხნავს. მაინც მოზვერვით გამოქანდა მექსიკელი გონზალესი და გონზე მოსვლა არ აცალა, ისე აჭამა თაური ასათიანს (კინაღამ გამახსენდა მოსკოვის „დინამოს“ თავდამსხმელი ჟუკოვი, მაგრამ ჟუკოვის გახსენება უნებურად ბესკოვის ასოციაციებს ბადებს ხოლმე, ამიტომ არც ერთს აღარ ვიხსენებ).

კახა დაიჯაბნესო და... ძუასავით დაიძაგრა ძოძუაშვილი, მოსწყინდა თავაზიანობა მურთაზს, გაავდა სლავა, გავარდა გივი!

ასე არ უნდაო (ალბათ გულში ჩაიხვია ასათიანმა) და მექსიკის გუნდის მწვრთნელ კარდენასის თვალწინ ასი ცხენის ძალით დარტყმულმა ბურთმა კი არ გახია, გაგლიჯა ბადე (კიდევ კარგი, ამ მატჩს სტრელცოვი არ უკეთებს კომენტარს, თორემ ედუარდი იმასაც კი იტყოდა, ბადე თამაშის დაწყებამდე იყო გაგლეჯილი).


რა ხდება სტადიონზე? კი, ბატონო, მოგახსენებთ: მექსიკელთა გულთბილობისა და სტუმართმოყვარეობის სიმბოლოს, ეროვნული ნაკრების სასაცილო ფორმაში გამოწყობილ არწივის მართვე „პიკოს“ (ამ სურათის შემყურეს) ლაპაღუბით

სცვივა ცრემლები. უკეთესი დღე, მგონი, არც კარდენასს ადგას. ვინ იცის, იქნებ ისინი იმ 40 მილიონ მექსიკურ პესოსაც დასტირიან, მსოფლიოს IX ჩემპიონატის სამზადისს რომ დაახარჯეს...

და, აი, ის სანატრელი დღეც — ფინალი: სსრ კავშირი — ბრაზილია. თამაშის დამთავრებას აკლია ხუთი წუთი. 2:2. სტადიონი თანდათან იყინება მექსიკის მცხუნვარე მზის ქვეშ.

ჯერ ფეხო და ფეხო, მერე მწვრთნელ და გუნდო, — თქვა პულემ და, ჰოი, საოცრებავ, ვერ გაიტანა ნაღდი გოლი.

ჯერ გულო და ერო, მერე თავო და ფეხო, — თქვა გივი ნოდია და ცაციათი ცეცხლა ბურთი ცხრიანში!



ნაბ. ა. მორღუგინაძისა

მეხივით გავარდა ეს ბურთი მეხიკოში... ცრემლების წვიმად გადაურა ინგლისს, ბოლმით და ბრაზით დაახრჩო ბრაზილია... აქ კი, ტელევიზორებზე, თქვენ ხედავთ ჩვეულებრივ, მომღიმარ კაც-ღმერთს ოქროს ქალღმერთით ხელში. იცანით, არა? ეს მისი უფებურთელესობა გავრილ კაჩალინი გახლავთ!

იხუვლეს ტრიბუნებმა და ჩვენი ბიჭები სადღეგრძელოებივით ჩამოატარეს სტადიონზე. ტელევიზორთან გაშლილ სახელდახელო სუფრასთან, ალბათ, თქვენც სვამთ საბჭოთა ფეხბურთელებისა და საკუთრივ ჩვენი „დინამოელების“ სადღეგრძელოს. სვამთ კი არა, ვინ იცის, იქნებ დამღერეთ კიდევ მექსიკურ გიტარაზე...

კიდევ ბევრი საინტერესო რამ მოხდა დღეს მეხიკოში. ფიფას პრეზიდენტმა როუზმა სტრენცისის ჯინაზე ბასრამოვს (ტოფიკას) საკუთარი ხელით გადასცა ოქროს სასტვენე; ყველამ ამოიცნო სალვადორის ერთუცნობიანი (წამგებიანი) განტოლება; ბოლოს კი, როცა მექსიკის უკანასკნელმა სტუმარმა ჩემოდანი შეაგდო თვითმფრინავში, არწივის მართვე „პიკო“ პანდურის კვრით გამოაგდეს ვიტრინებიდან...


ახლა გულზე ხელი დაიდეთ და თქვით: ფეხბურთის ასეთ სპეციალისტ-პროგნოზისტს მეხიკოს ერთი საგზური მეგუთვნოდა თუ არა?

რამდენადაც ვიცი, ჩეხოსლოვაკიელი ფეხბურთელი ადამეცი თვითმფრინავს მოერიდა და გემით გასწია მექსიკისკენ. საგზური მოეცათ და გემით კი არა, ტურპიერდალის ტივით გადავცურავდი ოკეანეს...

პროგნოზიკობრტაჟი მიჰყავდა ზაზა კაციაშვილს.



უბეჭეტოდ



პუნჯი

„ნიანგის“ საქამადო პუნჯი ამით შეახსენებს შინაურ და გარეულ კორესპონდენტებს, ყველა აქტიურ მკითხველსა და დაინტერესებულ პირს, რომ მთელი წლის განმავლობაში ნებადართულია ნადირობა, რეწვა ყველა ჭურის გარეწრებზე: ყალბისმქნელებზე, წუნისმკეთებლებზე, მლიქვნელებზე, ბიუროკრატებზე, ხულიგნებზე, ლოთებზე, ნარკომანებზე და სხვა...
თითოეულ მონადირეს ნება ეძლევა მოიპოვოს ნებისმიერი „ნანადირევი“ განუსაზღვრელი რაოდენობით. დამუშავებული მასალები გთხოვთ გამოგზავნოთ უფრანალ „ნიანგის“ საქამადო პუნჯში, ყოველი თვის 10-სა და 25 რიცხვებში.

საქამადო პუნჯი

ქვის გული

ქალაქის მეშვიდე დასახლებაში, წულუკიძის ქუჩაზეც დადის ავტობუსი № 58. როგორ დადის, არ იკითხავთ? დადის დროგამოშვებით, კანტიკუნტად, ახალ-ახალ მთვარეზე. (დანიშნული ხუთი მანქანიდან მხოლოდ სამი, ხან კი ორი დაიარება) ასეა თუ ისე, მაინც დადის.
— სადა ხარ ამდენ ხანს, ადამიანო? — შესახებენ შოფერს ლოდინით ცოცხალ-მკვდარი მოქალაქენი.
— პარიზში! სადა ვარ და აგერა ვარ! აბა, სანამ არ წავსულვარ, ჩქარა ავტობუსში!
...და იწყება ცირკი. ცირკი კი არა, უფრო საოცარი რამ: მილეთის ხალხი, რომელიც ათ დიუნშიც არ დაეტევა, ერთ ავტობუსში ცდილობს მოკალათებას.
— ვაიმე, ხალათზე ღილები მთლად ამაწყვტეს! — ყვირის ერთი.
— შენ რა გიჭირს, მე შარვალზე დამაგლიჯეს ღილები! — ამბობს მეორე და ავტობუსის უკან გადის.
— მიშველეთ, წელში ვწყდები! — კივის ქალი.
— ფერდებიდან ხელი აიღე, ადამიანო, მეღიტინება! — გაიძახის ვიღაც და სიცილით კვდება.
— ფრთხილად, კარს ვკეტავ! — აცხადებს შოფერი და ავტობუსს ერთბაშად სძრავს ადგილიდან.
— გააჩერე, შოფერ, ფეხები გარეთ დამრჩა!
— ეგ არაფერია, თავი ხომ გაქვს შეგნით?
— მე თავი დამრჩა გარეთ! — ჰყვირის მეორე გარედან.
— ვა, მაგას რა სჯობს, ერთის თავი და მეორის ფეხები, ეს მთელ კაცს უდრის. ჯანდაბას ერთი ბილეთი!
ავტობუსი კი მიჰქრის.
— შენ, ეი, შოფერ, დააყე მანქანა, კაცი იხრჩობა!
ავტობუსი ჩერდება. კარი იღება. გარეთ დარჩენილი თავი და ფეხები მგზავრებს შიგნით შემოაქვთ.
— ესეც ასე! — ამბობს შოფერი, — ახლა ხომ აღარაფერი გაწუხებთ?
ერთმანეთზე გადაფსკენილ-გადახლართულ მგზავრებს კი ბევრი რამ აწუხებთ:
— ადამიანო, შეყვარებულივით რომ ჩამხუტებიხარ, ცოტა გაიწი!
— ჩემი შენ გითხარი და გული მოგიკალიო. მე კი ძალიან მეპიტნავე? ადგილი და შენ თვითონ გაიწი!
— ვას, რა ფრანგული მაკასინი გამისვრიტა ამ ქალმა ფეხსაცმლის ქუსლის წვერით!
— გეტყვია?
— არა, მესიამოვნა! ხე ხომ არა ვარ?
— ნეტავ, მართლა ხე ვიყი! — ინატრა პირველმა.
— ნეტავ, მეც! — ამოიკვნესა მეორემ.
— ნეტავ, მეც! — ბანი მისცა მესამემ.
— მეც, მეც! — აგუგუნდა მთელი ავტობუსი...
მოგესხენებათ, არც ერთი მათგანი ხისა არ იყო. სისხლბორცველი ადამიანები იყვნენ და ადამიანურ ტკივილებს განიცდიდნენ. ხისა რა მოგასხენოთ, მაგრამ ქვის გული კი, შესაძლოა, თბილისის მესამე ავტოსატრანსპორტო კანტორის იმ მუშაკებსა ჰქონდეთ, რომლებმაც ეს ხალხი ამ დღეში ჩააგდო.

გია აბუთიძე



სამშენებლო ორგანიზაციის ჯოგერთმა ხელმძღვანელმა ვერ გაითვალისწინა მდინარე არაგვის შესაძლო აღიდება და ღვთის ანაბარად დატოვა ძვირფასი მექანიზმები.
კუბა-კუბა, ილივილივე, ატყაუნე ხელი, ფეხი, შე კუდრაქავ, შენს უფროსებს გაუჩინე თავსატეხი.
აბა, წყალში დღის ნორმები როგორ უნდა მოგიზომონ, უწყალოდ წყალწაღებულო, შე საწყალო რობინზონო!

3. კახელიშვილი

კლუბი სჭირდება ახატანს

პეი, თქვენ, ახატანელებო, გაუშაძღვრებო შრომითა, მე თქვენი კლუბის ნახვა და თვალის შევლება მომინდა. მოვედი, ვნახე შენობა ნარბევი, ნაპარტახალი, სხვეზის მაგივრად მე შემრცხვა, გავწითლდი, როგორც ჭარხალი. ამბობენ, ვიდრე კანტორა ჰქონდათ საკლუბო ფართობად, არც კინო შემოჰკლებიათ, არც კულტურული გართობა. მაგრამ ხალხს როცა დაჰპირდნენ ახალი კლუბის შენებას, ძველს შემოსწყრნენ და იმ დღიდან მოეშვენენ კინოს ჩვენებას. ჭერ არც ახალი კლუბი ჩანს, აღარც ძველს შერჩა „სინაზე“, პირუტყვს დაუდევს შიგ ბინა ჯოგი მერყველის ჭინაზე. კედლებს ბაღლები ხმარობენ, როგორც საწერს და სახატავს, სადა ხარტ სოფლის თავკაცნო, კლუბი სჭირდება ახატანს!

ბრ. მებზური (დუშეთის რაიონი)



ქართული
ლიტერატურა

მთავარი
რედაქტორი
ნოდარ დუმბაძე

სარედაქციო
კოლეგია:
ზ. გოლჭავაძე
(პ/მზ. მდივანი),
ს. კლდიაშვილი,
ნ. მაღალაშვილი,
ბ. ნიჟარაძე
(მთავ. რედ.
მდივანი),
ნ. შველიძე,
ო. ზეიშვილი.

საბირისა და იუმორი.
შურალი „ნიანგი“.

თბილისი, რუსთაველი:
პროსპექტი № 42.
Тбилиси, Сатирико-
юмористический
журнал «Ннанги».
ტელ. რედაქტორის
99-76-69, რედ. მთავრის
93-49-32.
საერთო განყოფილების
93-10-78.

საქ. კვ ცვ-ის გამომცემ-
ლობა. ИЗДАТЕЛЬСТВО
ЦК КП ГРУЗИИ.

გადაცვა ასაწობად
24/IV-70 წ.
ხელმოწერილია დასა-
ბამად 22/IV-70 წ.
ქალაქის ზომა
70x108¹/₈.
ფიზიკური ნაბაჟი ფურ-
ცელი 1,
პრობოტი ნაბაჟი ფურ-
ცელი 1,4.
საქ. კვ ცვ-ის გამომცემ-
ლობის სტამბა,
თბილისი, ლენინის ქ.
№ 14.

ТИПОГРАФИЯ ИЗД-ВА
ЦК КП ГРУЗИИ
ТБИЛИСИ, УЛ. ЛЕНИ-
НА № 14
შეგვ. № 1364.
შპ 02102.
ბირაჟი 129,700.



КОНТРОЛЬНЫЕ
ЭКЗЕМПЛЯРЫ



— ბავშვებო, აქედან იწყება მტაცებლები!